



Broj: 04-40-1-212/25
Sarajevo, 01.08.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 31.07.2025. do 08:30 sati 01.08.2025. godine

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana, 31.07.2025. godine u 09:40 sati od Policijske stanice Ilidža, da je u ul. Ilirska br. 135., pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 11 manjih intervencija i to: jednu na gašenju zapaljenog niskog rastinja, jednu na gašenju požara u kuhnji stambenog objekta, dvije na gašenju zapaljenog smeća u kontejneru, sedam obezbjeđenja (pet objezbeđenja na Međunarodnom aerodromu Sarajevo i dva obezbjeđenja manifestacija na otvorenom prostoru).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 31.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Tokom obilaska terena klizišta "Curine njive", zabilježene su promjene uslovljene padavinama. Na lokalitetu je uočen pojačan dotok vode iz pravca deponije, koja se sliva u drenažni kanal. Kao rezultat toga, na izlazu iz drenažnog kanala vidljivo je povećano oticanje vode. Tlo klizišta je u velikoj mjeri natopljeno, posebno u centralnim dijelovima, što ukazuje na zasićenost vodom. U zoni

ispod igrališta primijećeno je dodatno prisustvo vode na površini. Ova situacija zahtijeva kontinuirano praćenje zbog mogućeg uticaja na stabilnost terena. Nisu uočene nove pukotine niti druga vidljiva oštećenja tla, što ukazuje da trenutno nema znakova dodatnog aktiviranja klizišta. Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na kontrolu površinskih i podzemnih voda. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda. Tokom obilaska deponije "Knjeginjac" zabilježeno je da je tlo vidno natopljeno vodom uslijed obilnih padavina. Iako je površina zasićena, u rigolu iznad ceste nije uočeno prisustvo vode, što može ukazivati na lokalno zadržavanje ili drugačiji tok odvodnje. Na tijelu deponije primijećena je blaga površinska erozija, posebno na padinama, gdje dolazi do spiranja materijala. U donjem dijelu deponije konstantno su prisutne plavne i blatnjave površine, što otežava stabilnost tog dijela terena. Takođe, evidentan je kontinuiran dotok vode u vidu potoka koji se sliva ka nižim zonama. Ovakvo stanje zahtijeva nastavak praćenja, posebno u slučaju daljih padavina, zbog mogućeg uticaja na strukturu deponije i okolnog zemljišta.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Nisu evidentirane nove degradacije, niti su poduzete aktivnosti na uklanjanju postojećih prepreka. Uslijed obilnih padavina, zabilježen je slabiji dotok vode iz pravca Trebevića, koji ranije nije bio prisutan. Protok vode kroz potok je trenutno nesmetan, bez vidljivih zastoja u dijelu toka od Boguševca prema Latinskoj čupriji.

U gornjem dijelu potoka i dalje su prisutna oborena stabla i veće stijene u koritu, što predstavlja potencijalnu prepreku u slučaju jačeg vodostaja. Također, vidljiv je i veći dotok vode iz pravca kaptiranog izvora, odnosno sa preliva, koji se ulijeva direktno u korito potoka. Trenutno stanje zahtijeva nastavak praćenja, posebno u gornjoj zoni, zbog mogućnosti zagušenja ili promjene toka vode usljed nakupljenih prepreka.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: Broj oboljelih u Kantonu Sarajevo od Leptospiroze na dan 31.07.2025 godine prikazan je u sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 31.07.2025. godine	Broj prijavljenih slučajeva Leptospiroza po općinama							
	Novi Grad	Centar	Ilidža	Stari Grad	Novo Sarajevo	Ilijaš	Vogošća	Hadžići
115	77	13	9	6	7	1	1	1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 15°C, vlažnost zraka 76%, barometarski pritisak 943,5 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a